

河南府縣志輯

中國地方志集成

民國禹縣志

中國地方志集成


河南府縣志輯 ④5

民
國
縣
志



上海書店 ● 巴蜀書社 ● 江蘇古籍出版社

民國禹縣志



車雲修
王琴林纂

本書三十卷、首一卷。現據民國二十六年
(一九三七)刻本影印。

重印禹縣誌序

余不學忝宰名區抵任後臨潁水清流望具茨山色已覺脩然意遠及覽疆域之廣戶口之繁物產之豐商賈之盛又自覺以短絆汲深恐難勝任因念前人之官斯土者治術政績具載方志執柯伐柯取則不遠乃檢接收檔冊中並無新脩邑乘詢諸士紳各家亦歎歲者咨嗟久之嗣由民衆教育館長謝君世傑物色一部攜來挑燈披閱乃知禹志之脩始自有明清代自順治迄道光凡四脩以後闕如矣洎民國八年車前縣長雲奉令議脩聘邑名宿王林陳嘉桓田春同三先生出而肩其事經十六年之商榷

重印禹縣誌序

一

成三十卷之鴻文精心結撰淵雅瑰奇前長沙大儒曹東寅先生稱三子者皆深於史洵不誣也顧成之如此其難又如其美且善而印行乃寥寥何耶謝君曰是書凡幾增藁王先生蔡林審定在民國二十四年至二十六年春始由王前縣長桓武付印惜限於款當時僅印五十部耳幸版今存請設法重印可乎余曰可夫事有似費而實省政有似迂而實要者今日之舉是也慨自民紀以來大府名流感滄桑之變易虞文獻之消沉未嘗不概行各縣賢脩志乘而各縣奉文呈報開局興脩者比比皆是而究之卒業殺青者十無二三即或掃摺成書一議及鐫版則多

以為太費大都草草付諸石印或鉛印取便一時不轉瞬

重印禹縣誌序

二

而人用覆瓿者有之再印再起鑿鑿勞費無已甚無謂也若茲鉅製當時與事諸賢多不受薪又不肯率爾操觚並非利及筆墨絹帛果餌之贈為地方節費已多書出譬如淮南著述字值千金市人拱手久矣今梨棗之字痕無恙即印百部千部不過略費洛陽紙價耳其他何費之有而或者曰當此時也外寇未除軍書旁午守土者方當努力軍運兵役保甲以及農村經濟合作諸要政高談志事無乃迂乎斯言是也然而治必察風土如醫者之必求驗方邑志者前事不忘後事之師大抵皆已驗者也披官師之傳而西漢黃韓趙諸名宦之風規如在目前或寬或猛因俗以相施當不至齟齬若夫大事紀忠義傳諸篇丁壯讀之驚心喪亂憑吊英烈必更有以作其忠義敵愾之氣不至聞鳴鏑而股栗多方巧避荷戈也孰謂此書不關要哉况一方之志他年國史資以取裁倘聽其損闕不惟王陳田三先生之心血化為子虛而大禹故都三千餘年來之故實盡付蒼煙抑何可惜昔賢有言儲備故籍其功勝於積糧謝君其知之矣而余更有進者縣志本官書然專由官周章以促成者往往少完書是以近時周世臣先生鄆城縣志請撤局從容自脩書成名鄆城縣紀中州稱

為名著今王陳諸先生是書雖多歷年所亦不啻脩之於
家故成典冊高文足與郾城縣紀相埒此時重印多多益
善吾知遐邇好古之士必有不惜價以求者是為序

署
中華民國二十九年秋禹縣縣長侯慕輿謹序於鈞台縣

重印禹縣誌序

三

邑乘名於世者如武城志和州志
深州風土記桂陽州志及禹州朱
志章、矣朱志續脩于道光十二
年逮光緒之季閔七十年視道光
乾隆邵志時期相若也廣權知
州事日先測量疆域繪圖將再脩
志未果解任所繪圖携至日本始

鑄銅版歸之今年王子琴林書未
告再脩禹志屬稿畢請弁言簡端
且曰陳子嘉桓任纂脩田子春同
任蒐討琴林潤色之蓋三子皆深
於史者也秉筆歷五六年信勤劬
矣既寄稿至展讀之體裁謹嚴而
博瞻行文闕通醴厚則深州記桂

陽志之亞也距道光壬辰已百年
經顛覆亂離之餘卒蔚然成此傑
作廣權以羈縻暮齒猶及見之俯
仰今昔六竊有感於斯文夫志亦
能名於世者文章也中所記者事
物也山川無改而人事變遷隨歲
月以遷嬗不知凡幾矣吾故山國

自西南迤而北巖谷連亘頗有匪
蹤出入匪類之民耳胡為強梁不
靖教養闕失誰職其咎曩在禹時
念茲內疚還來荏苒符遍野雖在平
陽時哺聚焉之祠所至尤烈禹境
非當驛路者顧輒為軍旅屯駐不
戢自然城闕二為之墟此蓋今日

大河南北大勢非獨一禹其諸叔
運之所趨乎天道遠人事近志乘
以責人事也周禮鄉遂吏三年大
比攷其德行道藝以賢能使長民
近日讀此益歎為善制無古今皆
宜蓋地方興利除弊由官司管理
注：不旋踵遂廢州里受之久而

不弛時或益張觀鄉而知王道之源
也或委也願以質諸讀邑乘者
歲在重光協洽建卯之月丁亥日
長沙曹廣權書于寶應南園時
年七十有三



禹縣志序

前事不忘後事之師也故國必有史縣必有志然史須斷代而志可編年則史之業大而廣志之性深而久矣抑史料取材於方志則志又史之基通志綜大略而縣志求詳備則縣志尤重於省志顧世之譚文獻者罕於重視縣志任其苟且而纂述縣志者亦空屬意於編年之紀第斤斤於門類子目之分存橫體而缺縱識遂易涉舛謬而蹈侮謾章實齋文史通義謂縣志宜據官府文卷爲籍著宗其義者亦苦於體裁不類扞格不入則方志之學言誠難矣禹縣爲古鈞州地理人文擅豫原之勝礦產藥業陶瓷土

禹縣志

序

布各具特性箕山潁水鍾毓磊奇自漢唐迄明清如張留侯稽登善馬端肅勳名蓋世爲盛時麟鳳高行如司馬德操至行如庾叔褒藝術如吳道子女德如辛憲英亦皆卓犖宇宙間足使後人聞風興起遙溯遠古則軒黃履迹夏后會址巢許逸風尤足啟鴻濛而立頑懦至封國封藩之沿革山形河渠之變遷均饒可紀事類而縣志一書則清道光辛卯重修以後迄今失修近百年矣舉廢續墜時難再假民八閒知縣事者招紳議修設局經始以長春觀爲局址以存古學社田租爲局款縣有續學耆宿王君槐三陳君肇卿任纂修勞而別設提調採訪士紳通力合作於

經政變匪擾災禳事故作輟互見至二十四年秋志稿始

成始刊是時

桓武

自郝奉調忝長茲縣檢閱舊志參證新

刊得以知地方各情狀爲措施所借鏡維現代文學宜普及於民衆尤其區保甲長與城鄉公民更宜知地理人事之概況公私機關社會團體之分子愈宜先知之免因儻識而生紕行則新志之廣爲印行宜爲急務惜未校印而王君已先溘逝然讀其所遺序言見其思力之弘毅考慮之縝備決非近代草草修纂限期程功者所能喻及所編大事記尤得文體於史志技術有所發揮質諸古今作者意必不謬其梗概則凡例已示不待申述惟是續修縣志

禹縣志

序

近年迭奉功令本有司者之責

桓武

不學且迫於吏事依

令修治難期集事迫限程功必以勿遽貽賾陋譏王陳二君以博洽之學識致桑梓之敬恭集羣賢之襄贊經十六年之商榷爲前志補其缺失於後學立之模範

桓武

亦得

與觀厥成藉以自幸而又憬然於文獻之緒搜尋維艱未敢引爲職事之克盡以忝一日之長又不能不掬實以告來茲俾延而勿墜焉則亦稍紓吾職中萬一之責也中華

民國二十有六年歲次丁丑仲春之月菊潭王桓武序

序

縣志官書也纂修官所聘也採訪官所選也款項官所給也故任有專責而成有攸歸今禹之縣志昉自民國八年縣長車雲招議修志列示曰以長春觀爲縣志局地址以存古學社田租爲縣志局的款提調梁乾元畫三纂修陳嘉桓肇卿王琴林槐三採訪田春同荔軒等共六七十人議定卽榜長春觀門首曰禹縣縣志局未幾車縣長去禹此事遂無問津者十年春初琴林以山居逼寇盡室赴城不及賃廡謀之畫三畫三曰卽借樓長春觀藉可修志遂諾之適歲饑隨肇卿及荔軒入省請賑賑畢肇卿仍須赴

禹縣志

序一

衛主中州文獻徵輯處於是禹志局纂修

琴林

受食不受

薪肇卿不受薪並不受食

琴林

語肇卿曰子爲其難者吾

爲其易者竊以縣志者史裁也歷代正史率法馬班必備

紀志表傳而縣志向不爲紀茲師章學誠意而冠以大事

記以次及志表傳從公例焉惟作文貴字字出於已修志

必字字出於人非有寶書何作春秋而今列採訪者率唯

唯否否莫爲人先適河南通志局採訪宋慶端到禹假手

於縣局而採訪乃肇端矣最勤者首則董杏林少奉次則

連城璧易菴其於故家父老無不諳也古剝碑碣無不窺

也外此濟濟各告所知

琴林

得此已大喜添修鳳樓之有

助矣當是時荔軒主衛輝圖書館館中多書荔軒學固喜

博凡關於禹數千年之人文罔不輯錄捆載以歸是其大

有造於禹志者也初肇卿既成大事記適衛後每伏臘歸

省卽次第從事於各志

琴林

先惟草傳其各表則易菴以

採訪居局爲之耳大抵續其新仍存其舊刊其誤不易其

式如是者有年幾於應有盡有矣惟開局以來寇氛日猖

官斯土者率以修志乃前任意漠不相關又多五日京兆

鞅掌戎馬不遑文事

琴林

私念古來蓄書類亡於逃亂之

間則爲志稿謀收藏誰任散失之咎值十六年春長春觀

置契稅經理局卽將志局併入其中減竈裁傭僅包留二

禹縣志

序二

人膳費聊以羈縻之勿絕而已是時肇卿荔軒皆辭衛歸

琴林

禹矣亦出局別住志稿交書記司守不數數來局也

且夫事故有何詳略不搜之則不出心思有何深淺不鑿

之則不入肇卿曰書有死有活今志稿尙多死書也時取

志某卷而增之時取志某卷而改之最後則遞取舊志而

目而全新之此書之死者盡活矣昔吳汝綸與日本人書

曰敝國志書汗牛充棟率不成文汝綸爲深州風土記務

使其篇篇成文今之爲禹志亦庶使其篇篇成文而已其

間已屢議刊印矣及二十年議定刊版交稿開封馬集文

齋每刊數卷卽寄校閱而旣正於此又誤於彼魚雁反覆

亥豕類仍如是者久之迄二十四年五月肇卿又親校一

過曰休矣琴林曰請益卽以當消夏乃復續大事記以統

其鉅又廣蒐雜記以旣其細差可完一書之始終也宋次

道云校書如埽塵隨埽隨有吾亦云修書如抽絲愈抽愈

長豈不然乎吾因是知欲求修志之美備首必有人又必

有書尤必有時所謂修志有人者本縣人與異縣人之宜

否孔子以魯人修魯史而有內諱卽史法也今以本縣人

修本縣志當不免爲有南軒下筆之難近世湘潭王闔運

專爲湘軍志開罪巨室商邱陳壇鑒修商邱志久阻鄉評

此本縣人之所不宜者也而有所宜者在耳目夙親考徵

禹縣志

序二

三

易確故全祖望之有鄞人忠烈狀馬其昶之有桐城耆舊

傳卽以吾豫論劉青芝有古汜城志蘇源生有鄆陵文獻

錄皆以私作顯爲信史若異縣人則情誼不屬是非難考

矣吾禹乾隆志纂修者王聿修周棟皆禹之素著儒行者

而不曉史例至道光志則桐城姚椿陽湖洪符孫皆名一

世而窘於寓寶其於禹事正如一部十七史從何處說起

者故以潁水昭昭亦止據方輿紀要及一統志不知其非

矣於他更何責焉今志局之人肇卿先有鈎臺詩紀以爲

纂修蒞軒專成禹乘拾補以爲採訪所謂我落其實爾取

其材信兩美之必合矣惟琴林無似亦歷與邛虛固相需

也夙嘗病邵志之言無序朱志之言無物蓋禹之少書久

矣邵志喜錄莛文而止出時人絕少雅故朱志於宋人傳

類取之弘簡錄則未備二十四史可知也今禹仍無藏書

家而肇卿蒞軒皆得之於衛旣因朱志之序併歸邵志之

物而又宏加網羅益富潤色凡以言天下之至蹟而不可

亂也故志成雖不敢謂虎文豹炳諒可免疥駘之謂已

嗚呼不徵之盟會圖疏無以見少康逃虞之在嵩陽不徵

之大唐褚卿碑無以見褚亮休老卒葬之歸漢晉故籍不

徵之畢夷仲行狀宣和書畫譜等記載無以見張昇燕肅

之家陽翟今者糾傳注之謬繩史文之愆使知千古聖哲

禹縣志

序一

四

行蹤門祚皆於我禹有密邇之關繫不禁欲連浮大白此

非爭墩之私心乃實敬梓之公誼也不信乎得知千載端

賴古書乎然而文章之妙或急索而不得或無端而相遭

故宜優而遊之言不可以若是其亟也況史者千古之事

而期之倉卒之閒乎史記漢書皆出兩世明史之成以六

十年若縣志則湘潭縣志逾二十年深州風土記訖三十

年故皆稱善焉今禹志修於寇亂之內城鄉之居無定亦

作輟之業無常淹踰一紀乃爲成書亦幾於王宰作畫十

日一水五日一石不受促迫始留真跡矣而要之非初意

也當肇卿蒞軒並在衛未歸琴林獨兀兀仰屋梁輒生孔

融便去之思王式輕來之悔及二子歸與琴林共避寇寓

城久時借志局聚談又有淵明奇文共賞疑義與析之樂

迄志成觀之洵非剋期報竣所得有也而所以年復一年

者則以纂修無薪除刊印遲印總須一議款外無他鉅費

耳嗚呼石室蘭臺早變市道高逢休謂羊昭業等擬將一

尺三寸汗腳踏地燒殘龍尾道執大政等亦太悠悠司馬

光通鑑久不成人謂利筆墨絹帛果餌金錢之賜其唐及

五代採取微冗日月或差以促修成書故也琴林向有詩

云亂來何地寄生涯聊借修書度歲華略計新編俱有草

敢云老眼尙無花今者冒人之功附驥而名可幸亦可恥

禹縣志序二

也至助成此書者除已表名別有參考則濬縣孫至誠思

昉採訪則胡文甲鼎臣採訪兼校對則張鳳鳴岐瑞安丙

炎南軒郭振鐸徇卿王景曾孝先書記則王廷秀華甫張

萬齡鶴亭籌款兼理款則予季鳳林翔仞楊桓林松亭全

庭楷子範其他則多忘之矣師丹已老華子久病空喚奈

何尙希曲恕駒馳影過鴻飛爪留且敘前因以昭後果云

爾民國二十四年八月初吉王琴林謹序

禹縣志凡例

志例在古言人人殊因革損益總宜隨有無以立名目依

繁畧以爲筆削必有欲求簡而不得者而後其詳乃不冗

欲求詳而不得者而後其簡乃不陋未敢暖姝一先生之

言而私自說自足也

志者史裁也章學誠曰州縣之志體宜比史加詳蓋總羣

志以備一史之採惟分者詳而後合者精所謂無百二國

寶書不能成春秋也謹本斯意凡關於禹之故實者寧過

而存之姑以備輶采之要刪耳

道光朱志出於婁縣姚椿武進洪符孫二人之手體例謹

禹縣志凡例

嚴而攷查尙未極覈備茲於其大體皆因之而或補其闕

正其誤併其分亦損益之義耳要以字字皆有所本爲歸

凡網羅舊聞務從其詳而采取新事則從其簡

縣志所異於國史者史有紀表志傳而皆無圖志有圖表

志傳而多無紀章學誠謂史當有圖又謂紀之於表書列

傳如經之於緯耳無紀則振衣而不知挈領詳目而不能

舉綱散漫無章失國史要刪之義矣然亦但稱紀以別帝

王之稱本紀茲師其意而避其名作大事紀列於疆域志

後

董祐誠咸寧縣志凡例云紀年不宜純用甲子科目必書

某年史例也禹舊志凡於科舉多但書甲子而不紀年或並不書年號今併檢增

咸寧縣志藝文依宋羅願新安志例附藝文於各條不另立名目惟有關典章制度凡風俗人心者得載今並師之傳中入詩固不宜多多則似詩話非傳矣故向來借詩傳人亦止隨事摘句靳錄全首然後漢書蔡琰傳悲憤詩固全首也茲於借詩徵事者亦竊比之寓賢張耒毛奇齡等傳是其例也

桐城文章家法謂史錄詩止宜古體不宜近體然如馬班作史時惟三百篇爲古體騷則近體矣大風瓠子之歌則

禹

凡例

三

允近矣而史皆錄之則後人之錄當時體亦何嫌乎康海武功志錄姚合縣居詩三十首入之注不列之傳爲其多非病其體也近代包世臣最講文法而作翟秀才傳錄五言律二首茲於文苑徐介寓賢宋登春傳等亦其例也人有言行無徵而名高不容無傳者則旁見側出以顯之後漢書黃憲傳三國志陳登傳皆借郭泰劉備等言論而成莊周所謂重言已言也茲於管景文孫賁等傳亦其例也

董曾臣長安志紀事沿革表序云紀事不及本朝避國史也茲有斷限在前未敢直入今事者用長安志例也

舉善以勸之義也茲則於列傳之中寓世家之意凡述望族不隔朝代不別門類務盡一系之顛末蓋師章吳之義而又從南北史之例也

陽翟縣於兩漢爲潁川郡首郡縣一域原可包舉凡著籍但曰潁川不列縣者卽收爲陽翟人自魏晉後郡治他徙則慎取之

史有自注濫觴班書踵者益夥劉知幾史通補注篇曰躬爲史臣手自刊補雖志存該博而才闕倫敘除煩則意有所憾畢載則言有所妨遂乃定彼榛枯列爲子注若蕭大圓淮海亂離志羊銜之洛陽伽藍記宋孝王關東風俗傳王禹縣志

凡例

三

邵齊志之類是也後則康海武功志亦有取焉今亦竊比於是藉解辭費之責史傳篇末例必有論原於左氏之託君子史通曰論者所以辨疑惑釋凝滯若愚智共了固無俟商榷縣志爲義有褒無貶尤無取強生其文故於論斷一付闕如亦李元度先正事畧例也

史記自序統道其爲某事作某篇漢書敘傳變爲詩體後來因之已成習見自非雅才無取效顰且各篇首已有分序亦何庸複贅乎

陽翟褚氏自漢世始越潁逼晉亂從龍南去及亮際唐興

又從龍北歸其移居錢塘別是一支如褚陶者所謂褚先生後也褚先生於西漢由潁川寓沛陶在晉初已著籍錢塘矣非可概陽翟諸褚也道光朱志於褚氏列傳斷自晉末其南史著籍陽翟者共十五人一併刪之以陽翟北陷不宜南隸也亦失考矣接自晉渡江後有僑置之州並有存名之縣州尙分指縣則虛懸耳凡北來同縣者各聚一處畧如今世會館之例故其仕籍一仍舊貫亦其制然也要其華胄各以官爲家如諸褚者不惟早離陽翟亦並非處錢塘必求其實直無籍耳夫邑乘傳籍本史爲正史中有誤固當改置史外無着豈容竟棄此南史著籍陽翟者

禹縣志

凡例

四

所宜與晉一例也若唐書列褚亮於錢塘則習聞錢塘褚氏而未考其派別故適得其反也觀亮父玠傳猶籍陽翟尙曰虛指郡望若亮子遂良傳自謫死至歸葬陽翟下及咸通世知褚氏於陽翟久爲定居矣使果家在錢塘何不歸葬錢塘乎亮傳曰封陽翟侯老於家非以其家陽翟乎蓋亮之初非家陽翟也其故籍則陽翟也因籍而封之遂因封而家之褚氏久去陽翟至是乃復我邦族真又爲陽翟人矣故其子遂良封河南公亦以陽翟隸河南也時唐都長安家歸陽翟去都近也並世郭孝恪封陽翟郡公孝恪固陽翟人也可以例矣他如李德裕趙郡人父吉甫封

趙國忠公及德裕亦封趙國公自陳先世皆嘗居汲願得封衛從之遂改封衛國公魏徵之後封鄭史未詳其故所可知者則以鉅鹿曲城人始封鉅鹿縣男進爵郡公足見封必從籍固唐通例也亮始封陽翟縣男進封陽翟侯知別無新籍何曰錢塘乎更證之亮碑固曰河南陽翟人也應據碑政史蓋碑由當時私請故親而確史爲後世官書故疎而失也總稽亮之家世上自晉之南渡下至唐之咸通見諸史者皆系陽翟亮何獨爲錢塘人乎不獨顯異其父又顯異其子卽以亮傳考之豈有一時一事涉於錢塘而系之籍乎是唐史徒聞陽翟褚氏移居錢塘而未悉其

禹縣志

凡例

五

派別也至元楊維禎作錢塘褚氏家譜序曰遂良始遷錢塘岐中又歧益無足辨矣若褚淵者臣節有虧而內行自敦襄城劉青芝作孝友錄尙有取焉今亦不得獨遺之也爰統陽翟褚氏經朱志所刪者悉復收錄自漢迄唐具見始末又考乾隆邵志隱逸傳褚惠傳本其子買德所作墓誌以唐咸亨三年九月二日遷窆於郭村北原誌石經明徐憲使築垣發得誌載惠陽翟人晉安東將軍碧之七代孫也曾祖元振周縣令祖德康隋郡長史父倪縣尉據此則褚氏北歸不自唐始意周師入梁時褚氏亦有隨俘而北耶惟族大人多其先後去留或自不同書缺有間矣

禹縣志目錄

卷首

凡例 輿圖

卷一

疆域志

卷二

大事記
上 下二

卷三

山志

卷四

禹縣志
目錄

水志

卷五

古蹟志

卷六

賦役志

卷七

物產志

卷八

學校志

卷九

經籍志

卷十

祀典志

卷十一

謠俗志

卷十二

宗教志

卷十三

陵墓志

卷十四

禹縣志
目錄

金石志

卷十五

封系表

卷十六

官師表

卷十七

科舉表

卷十八

官師傳

卷十九

列傳

上

卷二十

故家列傳

卷二十一

文學傳

卷二十二

篤行傳

卷二十三

忠義傳

卷二十四

禹縣志

隱逸傳

卷二十五

藝術傳

卷二十六

貨殖傳

卷二十七

二氏傳

卷二十八

寓賢傳

卷二十九

目錄

三

列女傳

附表

卷三十

雜記 志原

禹縣志

目錄

四

禹縣志卷一

疆域志

後世之列縣一古代之分國也凡百里之地所以興利除害揆文奮武者必使內有所守外無所犯而後可敷政優優也故相其山川別其險夷明其土田正其封疆以定其城郭建其官廨列其市廛通其道路便其橋梁均其倉廩鞏其堡障又復因其時而制其宜隨其地而增其設夫是以民無內憂而又無外懼也一有廢弛則生人姦心處亂之世防守尤急凡禹在昔工築用以固疆域者久矣大備因而志之其有未逮以俟來者

禹縣志

卷一

疆域志

一

禹故為州治北緯三十四度十四分偏西經度二度五十四分舊屬河南布政使司開封府中華民國二年裁府改縣隸豫東道在省治西南二百七十里道光志三百二十里誤自縣治東北一千八百里至北京縣境東西距一百二十五里清一統志九十里誤鳥里八十七里南北距一百里清一統志八十五里七十七里面積四千四百七十八方里東至泉店三十五里接許昌縣界抵許昌縣治八十里西至大江嘴山三岔口一百又五里接臨汝縣界抵臨汝縣治一百八十里南至閭寨四十五里接襄城縣界抵襄城縣治九十里北至石門寨五十里接密縣界抵密縣治一百二十里東南到

黃岡店四十五里接襄城縣界抵臨潁縣治一百二十里西南到焦村四十里接郟縣界抵郟縣治八十里東北到石固四十五里接長葛縣界抵長葛縣治九十里又東北到惠民舖五十里接新鄭縣界抵新鄭縣治九十里西北到白沙界牌嶺六十五里接登封縣界抵登封縣治一百二十里

右幅員四至八到

禹州控汴洛之區逼汝潁之道山川盤紆形勢險固一旦有警此腹心之患也若其根柢淮沔憑依襄鄧縱橫北向鴻溝不能限成皋不足恃矣戰國時韓都陽翟以角犀雄

禹縣志

卷一

疆域志

二

漢初高祖封韓王信於此既而以信壯武而潁川北近潁洛南迫宛葉東有淮陽皆天下勁兵處也乃徙封信於太原後蒙古攻金人於河南先陷鈞州而汴遂不可守顧祖禹讀史方輿詳在山志

右形勢

幅員形勢既明宅中圖治設險守國城池其要也禹城自西漢時築歷代修濬未詳自明正統十三年知州徐昉善修成化二年知州鄭珪重修十三年封嶺藩於此十六年少監孫振實奉璽書建藩府重修設千戶所守之正德三年甃以磚石知州李邦彥實經營之立四門東曰含春西

日懷遠南曰朝陽北曰拱辰正德六年流賊趙風子圍城
賊退復增重門北近潁水正德十六年知州莫鈍開渠引
水注濠後爲暴水衝決二十餘丈莫龍縮水萬歷四十五
年巡道曹爾禎築壩於龍池障潁水使南流僅至南濠後
壩決水歸故道崇禎八年議引潁水入城濠流至龍池東
滲入地中不能達濠城周二千二百四十丈城址厚三丈
上濶一丈五尺城牆高二丈二尺雉高三尺周圍雉二千
八百二十城樓角樓月城弔橋各四敵臺十六濠濶五丈
深三丈濠外土堤高一丈五尺今其護城堤則在西關北
關古築以防潁水也康熙五十二年知州羅之熊增修城

禹縣志

卷一

疆域志

三

門樓四座補周圍城垣雍正十三年知州梅枚重修四門
樓補城垣三十八丈乾隆元年知州章琦重修四角樓補
城垣三十五丈光緒二十八年潁水衝東北城崩數十丈
知州曹廣權修築石堤城基始固中華民國二年土匪白
狼陷禹既退濬城濠十七年又濬於建國軍攻禹之後東
大街曰澄清西大街曰宣化南大街曰鳳集北大街曰迎
恩城中心曰煤市口

右城池街衢

畫野分疆之制唐以前無徵已唐有三封鄉唐韓仁精功
君墓唐徐府君龍懷里唐銘及劉府墓志銘 宋沿唐制而里統於鄉今可考者

日舊學鄉曰晉臺鄉曰大儒鄉曰大驄鄉曰三封鄉其里
曰保寧里曰麥秀里曰西吳里曰張潤里其詳不可得而
聞也元改鄉爲都編十三都七十五里曰在城都曰瑯城
都曰謝村都以上城東曰紅暢都曰宜陽都曰神林都曰玲瓏
都以上城西曰閭寨都曰張得都曰黃村都以上城南曰棗莊都曰
七里都曰張翁都以上城北其里曰新安隅曰東北隅曰西南隅
曰東南隅曰西北隅曰東關廂曰南關廂曰西關廂曰北關廂
曰晁喜里曰新康里曰新治里曰三峯里曰東會里曰西會
里曰新廣里曰東張里曰靈泉里曰恩池里曰湧泉里曰
屠窩里曰孫陽里曰仁義里曰東峯里曰新富里曰安治

禹縣志

卷一

疆域志

四

里曰新平里曰新化里曰福勝里曰禮義里曰玲瓏里曰
保寧里曰新勝里曰西柳里曰新昌里曰新寧里以上即清所裁
二十里曰仁和里曰安慶里曰凌錦里曰大儒里曰南柳里
曰仙棠里曰大呂里曰金呂里曰麥秀里曰紫雲里曰瑯
城里曰戶城里曰永安里曰司馬里曰黃臺里曰子產里
曰辛瓮里曰逍遙里曰韓城里曰康城里曰高臺里曰白
沙里曰玉橋里曰方山里曰清水里曰永豐里曰廣積里
曰思賢里曰富城里曰玉仙里以上即清所并三十里曰文鳳里曰
范北里曰梨林里曰潁川里曰鎮定里曰紫金里曰西張
里曰鈞陽里曰鎮峯里曰義讓里明初編爲四都六十里